

ادبیات عمومی و تجریدی

هفته‌لق سیاسی ، ادبی و علمی غزته‌در .

جلد : ۲

سنه : ۱ ۲۷ رجب ۱۳۳۵ جمعه ايرتسی ۱۹ مایس ۱۹۱۷ نو مورو ۲۹

محیط و ترک‌لر

[کچن نسخه مزدن مابعد]

بو سلطنت ، شمالده ، بیوک دره‌لر حوالی‌سندده لهستان ایله ؛ [قاریات] حدودنده آوستریا ایله ، اقصای شمالده [موسقوه بیوک - دوقه‌لنی] ایله ؛ جنوبده [عمان] و [حبش] حکومتک بولوندینی اراضی ، صحرای کبیرک ، سودانک حدود غیرقطعیه سیاه ؛ شرقده عجم ایله ، بحر فارس ایله ؛ غربده [آدریاتیکی] دکرزی ، وندیک جمهوریتنه عائد [دالماسیا] اراضیسی ایله ، [فاس] سلطانلی ایله محاطدی .

پوشه‌نشا هلق صوغوق ، منجمد ، صیجاق ، حار ، معمور ، چول ، وحشی ، مدنی ، داخلی ، خارجی ، ساحلی ، قطعوی ، جزیری ، هر درلو محیطاتی جامع ایدی ، عجب‌ترک بویرلرک هر طرفنی می کندیسه وطن اتخاذا ایتدی ، یوقسه بر قسمنی مستملکه می تلقی ایدیوردی ؟
شو ایکنجی جواب صحته دها قریبدر . بو کون افکارلر ، فرانسلر ، فلمنکیلر هندده ، [آوسترالازی] یه نصل قونعشلر ایسه ترک‌لرده ، مثلاً ، [اردل] ، [طمشوار] ایالتلرینه اویله‌جه قائم اولتلردی . مقصد ، مثلاً ، [طمشوار] ی ، [اردل] ای اهالیسنی تمثیل ایله ترک ملکنه الحاق ایتک دکلدی .

جامعه اسلامیت داخلنده بولونعقله مصر کی ، مغرب کی بعض ولایات فرقلی معامله یه مظهر اولدی . فقط - مستقنا نقطه لردن صرف نظر - ترک بورالره یرلشدی ، بورالرنی پلک اوقدر وطن اتخاذا ایتدی . بونکله برابر مصرک ، جزائرک ، تونسک یوکسک طبقه لرنده ترک‌لر قالدی .
هله حبش ، یمن کی ایالات حقیقه مستعمره اوله رق ترک ایرلدی .

اصل ترک‌لر یرلشدیکی ، وطن تلقی ایتدیکی قطعه آناتولیدر . آناتولیده ترک‌لر اکثریت تشکیل ایتدیلر - بناء علیه محیط نظریه سنک تطبیق‌اتنده ، ترک‌لر ایچون ، آناتولینک تدقیق الزمدر . ترک‌لر هریره مستولی اولدیلر ، فقط ، آناتولی یی هریردن زیاده وطن طانیدیلر .

« نوبیه مارغریت » کی قرنفل نوعلرینک وقتیلله « جن علی چلبی » نك الله ایتدیکی « روی عروس » ی یاخود « یاقوتی » سی ، و یاخود پیری پاشا زاده نك « سرخ » ی یاخود « یك آل » ی اولدیغنی بوکون بزه کیم تأمین ایدیه بیلیر ؟ هر حالده بز ، فن ساحه سنده اسلافك بوکبی پك فائده لی اولان مساعی سابقه لری ثمراتی بوکون احیا و محافظه یه بتون موجودیتیزله غیرت ایتلیز .

زراعت متخصصی

قیزیل طوبراق ۳۰ نisan ۳۳۳

هواد رمدی



بر هفته لق تاریخ حرب



[۱۰ - ۱۶ مایس ۱۹۱۷]

غرب جبهه سی تعرضلری کهوشه دی . واقعا انگلیزلر (آراس - له نس) طرفلرنده ، (استقارپ) نه ری طرفینده تعرض ایدیورلر ، فرانسرلرده شامپانیاده و (نه ن) بوینده کرک طوپچی و کرک پیاده تعرضلری اجرا سندن خالی قالمایورلر . فقط بوتعرضلر کچن هفته لره نسبتله چوق قیرلشدر ، متعرضلره هیچ بر فائده تأمین ایدمه مکدر .

ائتلاف دول متفقه سنك مدھش قوتلر و غیرتلر صرفدن صوکره بویله بیتابی یه دوشه جکنی کچن نسخه مزده یازمشدق . بوتخمینده بولونمق ایچون پیغمبر اولغه لزوم یوقدی . او درجه بویوک قوتلرک صرفی ، بودرجه سریع و بویوک بیتابیلری ایجاب ایدمه جکی دوکاردر .

شیمدی دوندن بری ، (ایزونزو) جبهه سنده ایتالیا لارک پك شدتلی طوپچی آتشلری باشلادیغنی آوستریا تبلیغ رسمی سنده او قویورز . دیك که جنرال (قادورنا) نك بهار تعرضی نهایت ینه ایزونزو جبهه سنده انکشاف ایدمه جکدر . هنوز طوپچی استحضاراتی دوام ایتکده اولدیغندن پیاده تعرضلری باشلامادی . فقط ایتالیا لارک ، متفقلریمز آوستریا لیلری بر قاریش بیلر لرلرندن قیملداتامایه جقلرینه ، شیمدی یه قدر کوردیکمز تجربه لر دولایسیله ، بلاتردد حکم ایدمه بیلیرز .

روس جبهه سنده سکون وار . طرفین حکماً دکسه ده فعلاً متارکه ایتملردر دینه بیلیر . لکن ماکدونیا جبهه سنده بویله دکل . جنرال سارای (قاره صو) قوسنده ، مناسترک شمالندن بدأ ایله طویران کولی جنوبنه و سیروز اوواسنه قدر اولان محللرده عمومی تعرضی اجرا ایتدی . فقط بوتعرض الک آغیرضایعاتله ، متفق آلمان و بولغار قواسی طرفدن قیریلدی . بوتعرضک سرپندیلری دوام ایدیور . لکن قوتی محدود اولان و غرب جبهه سنده کی قدر سهواتله قطعاتنک بوشلقلری و مهمات ضایعاتی دولدورامایان جنرال سارای بوکون یارین سکونه ورا جقدر .

نافله ! ائتلاف ایچون بوسنه هیچ بر طرفدن امید موقیت کورولمادی . بالخاصه روس اوردوسنك فعلاً موازنه حربیه دن چیقارلمش اولماسی حسیله ائتلافک احراز ایتک ایسته دیکی مظفریت قطعیه یه قوتی غیر کافیدر . روس اوردوسی آنارشیلر ، فرارلر ، مختلف جریانلر ایچنده یکپاره برکتله دکل ، آرتق داغیلغه باشلایان بر کیره چ طاشیدر . حرب عمومیده کی رولی ده شبهه سز مغلوباً نهایت بولشدر .

§ عثمانی جہہ لرنده اك زياده (ديا له) جہہ سنده حركت وار. انگيزلرله روسلرك اوفاق تفك

تعرضلري طرد ايديلور. قاققاس جہہ سنده كشف قولى مصادمه لري ايلور.

لكن طرابلس غربدن مظفریت خبرلري آليور. ايتاليانلر خمس، طرابلس وزواره ده
محصور برحاله بولونيورلر. اوراده كي قطعاً منزله مجاهدین دشمنك استحکاماتندن ديشاري چيماسنه
ميدان ویرمه بولور. طوپچيلرمن (عين زارا) جوارندن طرابلسی بومباردمان ايديلورلر. ۲۲ کانون اولده
ايتاليانلرك طرابلس غربنده (قرق قاريش) موقعندن ياقق ايسته دکاري بر خروج حرکتی دشمنك
رجعتيه نتيجه لشمس، ۴ کانون ثانیه ده (عجیلات) موقعنده مغلوب ايديله رك ساحله زواره ده دوعري
سورولشددر. كذلك طرابلسندن (طانظور) اجرا ايتك ايسته دکاري تعرض ده پوسکور تولشددر.
ديك كه اليوم ساحله كي اوچ نقطه مستثنا اولارق بوتوني طرابلس هلال عثمانی سایه سنده بولونيور.

§ تحت البحر حربی يك مؤثر در. آلمان بحريه ناظرينك رايخشتاخده كي شو بياناتی اوقويه لم :

« بن سزه تأمین ايدهرم كه تحت البحرلر ايشك نهايتی كتيهر جكددر. برك ايچون نه لازم ايسه
المزده موجوددر. يعني تحت البحر تكنه لري، معلم حركات، طورپيللر، تحت البحر ماكنه لربنك
تھريكنه مخصوص محروقات وساثر لوازم کافی درجه ده واردر. آلمانياه نجه نجه بيك ال متاديا
يكي تحت البحرلر، يكي مواد لازمه، يكي طورپيللر، يكي دكر لغملري اعماله چالدييور. يالكز
تحت البحرلرك كيتي متاديا آرمقلا قاليوب كيفيت و مكملتي دخي متاديا ترقی ايديلور. متاديا يكي
سيستم ودها زياده ايشه يارار تحت البحرلر وجوده كتيهر مكده در. طبيعي ضايعات وقوع بولويور.
دشمنك وساثر تدافعيه سي دخي هم كيت هم ده كيفيت جهتين آرتيور. فقط تحت البحرلرله قارشى
هنوز اساسی برچاره بولنمكددر.

تحت البحرلرمن بلاقيد و شرط تحت البحر بحاربه سنك ايجابات خصوصيه سنه عمل ايلشدردر.
تحت البحرلرك قدر و حيزی متاديا آرتيور. تحت البحرلرمن متاديا تجارب عظيمه استحصال ايتكده
وتجهيزات واسلحه سي كسب ترقی ايتكده در. اورته ده قطعی التأثير بر حقيقت وار ايسه اودخى
تحت البحرلرمنك موقعياتی آيدن آيه آرمسيدر. بزياله بودرجه موقعياته مان هيچ انتظار اتييور
ايدك. بوندن بشقه موسم صيفك حلول ايتكده اولسي ايله احوال هوايه ايلك مكده در. كجهلر
كيتدكجه قيصالمقده وفورطنه موسمی نهايت بولمكددر.

حرب زماننده كي اوچ آيلق تجربه صلح زماننده كي اوچ سنه لك تجاربندن دهامفيد و قيمتداردر.
تحت البحرلرمنك مرتبائی هر درلواحتياجات و ايجاباته کافی درجه ده احراز تجربه و كسب حيزت ايلشدردر.
بز وسطی آيد ۶۰۰,۰۰۰ طون غرق ايدجكمزى و بونك اوچ آيد برميلیون سكر يوز
بيك طون ايدجكمزى حساب ايلش ايدك. حقيقت حالده ايسه اوچ آيلق تحت البحرلر بحاربه سي
نتيجه سي، ايكي ميلیون سكر يوز بيك طون اولشدركه، بلاقيد و شرط تحت البحر بحاربه سنه كيرمك كمزى
ايجاب ايدن اساس وانتظاردن يوزده الی بش نسبتنده فضله در. تحت البحر بحاربه سنك بوصورتله
نه قدر دوام ايدجكي دشمنلرمنه عائد بر مسئله در، تحت البحرلرمن بوطرز بحاربه ده ثبات و دوام
ايتك كمزى تأمین ايدجيله جكددر. . . .

كوروليوركه، بوياز، ظفر نهايتی بهمه حال بزم طرفده اولاجننه ايمان ايچون اسباب كافيه موجوددر.